

5 Mei 2023

**SIARAN MEDIA**  
Untuk Hebahan Segera



**Islamic Relief**  
Malaysia

## **ISLAMIC RELIEF MALAYSIA LAKSANA IBADAH KORBAN DI ENAM NEGARA**

**Bangi** – Islamic Relief Malaysia (IR Malaysia) tahun ini sekali lagi membuka peluang kepada masyarakat prihatin untuk melaksanakan ibadah korban melalui kempen Rezeki Qurban yang dibawakan dengan slogan #zahirkankesyukuran.

Ketua Pegawai Eksekutif IR Malaysia, Mohd Shukor Tahir berkata, pihaknya membuka penyertaan sebanyak 677 bahagian korban dalam kempen Rezeki Qurban tahun ini.

“Setiap tahun, IR Malaysia komited untuk menjadikan ibadah korban umat Islam di Malaysia khususnya lebih bermakna. Mereka berpeluang melaksanakan ibadah korban disamping membantu golongan memerlukan menerusi agihan sumbangan daging korban.

“Tahun ini, bermula dengan penyertaan serendah RM375 satu bahagian, IR Malaysia bakal melaksanakan ibadah yang sangat dituntut dalam Islam ini di enam buah negara konflik iaitu Mali, Malawi, Somalia, Yaman, Syria dan Palestin,” katanya.

Tambah Mohd Shukor lagi, dalam usaha memastikan penerima sumbangan daging korban adalah mereka yang benar-benar layak, proses penilaian dan pemilihan penerima manfaat daging korban yang dilaksanakan Islamic Relief adalah berpandukan 19 kriteria. Antaranya, isi rumah yang diketuai oleh ibu tunggal, orang tua dan OKU, ketua keluarga yang bergantung harap dengan pendapatan gaji harian, isi rumah yang hidup di bawah paras kemiskinan, penduduk yang terjejas akibat bencana seperti banjir, kebakaran, tanah runtuh, wanita mengandung dan menyusu, warga emas, anak yatim, komuniti atau etnik yang terpinggir, pelarian dalam negara (IDP) dan lain-lain.

“Asas pemilihan negara-negara bagi pelaksanaan korban yang ditawarkan Islamic Relief antaranya meliputi aspek ekonomi sesebuah negara, di mana penduduknya hidup di bawah paras kemiskinan, negara yang berdepan krisis dan konflik kemanusiaan berpanjangan serta penduduk di negara yang berdepan masalah kekurangan zat makanan atau malnutrisi,” kongsi Mohd Shukor.

Setiap keluarga terpilih akan menerima kira-kira antara 2 kilogram hingga 4 kilogram daging korban yang dijangka boleh bertahan bagi tempoh satu minggu.

Jenis haiwan korban pula adalah berbeza mengikut negara terlibat antaranya lembu, kambing atau biri-biri.

Selain penyertaan ibadah korban, IR Malaysia juga menyeru kepada semua untuk menyumbang serendah RM10 melalui pakej Sedekah Qurban.

Orang ramai yang ingin melaksanakan ibadah korban bersama IR Malaysia, boleh membuat pendaftaran terus ke laman sesawang [www.islamic-relief.org.my](http://www.islamic-relief.org.my) sehingga 23 Jun 2023 atau hubungi 03-8926 3434 untuk maklumat lanjut.

### **Rezeki Qurban**

Tahun lalu, secara keseluruhan, Islamic Relief telah menyantuni lebih 4 juta individu penerima manfaat di 28 buah negara dengan edaran daging korban sebanyak 735,433 pek.

Melalui penyertaan bersama IR Malaysia pula, sebanyak 19,802 individu penerima manfaat di 29 buah negara disantuni melalui edaran 2,886 pek daging korban.

### **Pakej Rezeki Qurban 2023:**

<b>Pakej</b>	<b>Negara</b>
RM375	Mali
RM450	Malawi
RM500	Somalia
RM1,200	Yaman
RM1,600	Syria
RM2,400	Palestin (Gaza)
Sedekah Qurban	Sumbangan serendah RM10

*\* Harga termasuk kos seliaan dan pengurusan aktiviti korban*

- TAMAT -

## **Mengenai Islamic Relief**

Islamic Relief merupakan sebuah organisasi bantuan dan pembangunan kemanusiaan antarabangsa yang ditubuhkan pada tahun 1984 dan beribu pejabat di Birmingham, United Kingdom. Islamic Relief berkhidmat di lebih 45 buah negara dan telah membantu lebih daripada 120 juta orang sejak beroperasi. Skop bantuan Islamic Relief merangkumi bantuan kecemasan, pembangunan mampan bersepadu, pengurangan risiko bencana dan advokasi.

## **Mengenai Islamic Relief Malaysia**

Islamic Relief Malaysia telah ditubuhkan pada tahun 2005, bertujuan untuk meneruskan bantuan kemanusiaan Islamic Relief di rantau Asia-Pasifik. Kini, Islamic Relief Malaysia berperanan sebagai pejabat penjana dana dan pelaksana projek tempatan dan antarabangsa.

Maklumat lanjut mengenai Islamic Relief Malaysia boleh diperoleh di [www.islamic-relief.org.my](http://www.islamic-relief.org.my)

---

Dikeluarkan oleh: Unit Komunikasi Korporat, Pejabat KPE Islamic Relief Malaysia.  
Untuk keterangan lanjut, hubungi Zafirah Zahari di talian 019-220 1788 atau e-mel ke [Zafirah.Zahari@islamic-relief.org.my](mailto:Zafirah.Zahari@islamic-relief.org.my)